

ხონის მუნიციპალიტეტის საკრებულოს
ეკონომიკისა და ქონების მართვის საკითხთა
კომისიის სხდომა

ოქმი N 2

09 მარტი, 2023წელი

ხონის მუნიციპალიტეტის საკრებულოს ეკონომიკის, ქონების მართვისა

და ინფრასტრუქტურის კომისიის სხდომა

ოქმი № 2

9 მარტი, 2023 წელი

ქ. ხონი

2023 წლის 9 მარტს 14 საათზე გაიმართა ხონის მუნიციპალიტეტის საკრებულოს ეკონომიკის, ქონების მართვისა და ინფრასტრუქტურის კომისიის გასვლითი სხდომა, ხონის მუნიციპალიტეტში ვ.ბახტაძის ქუჩაზე მცხოვრები მოსახლეობასთან კონსულტაციის მიზნით, რომელიც შეეხებოდა ხონის მუნიციპალიტეტში ვ. ბახტაძის ქუჩაზე მდებარე სკვერისთვის გამოჩენილი მსახიობის და კინორეჟისორის ნანა მჭედლიძის სახელის მინიჭებას.

გასვლით სხდომას ესწრებოდნენ კომისიის წევრები: ზაზა რუხაძე, კახა ფირცხალავა, ამირან კაშია, ზაზა ვაშაკიძე, ზურაბ მიქაძე და არჩილ სალარაძე.

ასევე სხდომას ესწრებოდნენ იდეის ინიციატორი საკრებულოს წევრი გურამ ბახტაძე, საკრებულოს თავმჯდომარის თანაშემწეები ჯემალ მებუკე, ოთარ ქაშიბაძე და ვ.ბახტაძის ქუჩაზე მცხოვრები მოსახლეობა. კომისიის თავმჯდომარემ ზაზა რუხაძემ განმარტა, რომ საკრებულოში შემოსულია ხონის მუნიციპალიტეტის საკრებულოს წევრის გურამ ბახტაძის ინიციატივა ხონის მუნიციპალიტეტში ვ.ბახტაძის ქუჩაზე მდებარე სკვერისთვის გამოჩენილი მსახიობის და კინორეჟისორის ნანა მჭედლის სახელის მინიჭების შესახებ. საქართველოს მთავრობის 2015 წლის 1 ივნისის N239 დადგენილების მე-7 მუხლის მე-6 პუნქტის საფუძველზე საჭიროა საკითხის დადებითად გადაწყვეტისათვის მოსახლეობასთან კონსულტაციის გამართვა.

საკრებულოს თავმჯდომარის თანაშემწემ ჯემალ მებუკემ აღნიშნა, რომ მიესალმება აღნიშნულ ინიციატივას, რადგან ქალბატონი ნანა მჭედლიძე იყო მუნიციპალიტეტის მკვიდრი მკვიდრი, და მისი ხსოვნის პატივსაცემად კარგია ვ. ბახტაძის ქუჩაზე მდებარე სკვერს, სადაც ის ცხოვრობდა მიენიჭოს ნანა მჭედლიძის სახელი.

მოქალაქე შოთა ბახტაძემ გამოთქვა მოსაზრება, რომ მიესალმება აღნიშნულ იციატივას და კარგი იქნებოდა თუ აქამდეც მოხდებოდა ამ სკვერისთვის ნანა მჭედლიძის სახელის მინიჭება.

მოსახლეობასთან კონსულტაციის გამართვის შემდეგ კომისია თვლის, რომ ხონის მუნიციპალიტეტში ვ. ბახტაძის ქუჩაზე მდებარე სკვერს უნდა ეწოდოს გამოჩენილი მსახიობის და კინორეჟისორის ნანა მჭედლიძის სახელი და საკითხის შემდგომი განხილვისათვის კომისიის დასკვნა წარედგინოს საკრებულოს თავმჯდომარეს

კომისიის თავმჯდომარე:



ზაზა რუხაძე

კომისიის მდივანი:



შორენა ჩანტელიანი